

WEDNESDAY'S & FRIDAY'S in MARCH

"SPIN & WIN THE BIG WHEEL"

Feeling lucky? Every player, Wednesday's & Friday's in March, that earn 200 based points can play our Spin to Win prize wheel game for **FREE** and **WIN GUARANTEED PRIZES!**

A player can either win slots free play or prizes (food comps, special gifts, weekend stays) redeemable at the Trop Advantage Center located at Tropicana Aruba Resort & Casino.

TROP

CLUB & CASINO

TROPICANA

ARUBA RESORT & CASINO

TA

TROP ADVANTAGE™

Must be age 18 to play. Play responsibly.
www.gamblersanonymous.org

J.E. IRAUSQUIN BLVD. 248, ARUBA, DUTCH CARIBBEAN | TROPARUBA.COM | (297) 527-9160 | LOCATED AT THE TROPICANA ARUBA RESORT & CASINO

Armand Hessels:

Co'i kens

ORANJESTAD - Den e matutino Ingles 'Aruba Today' di 9 di maart ultimo a resalta un articulo tocante posibel irregularidad dentro di e directiva di un hotel (chikito) local.

E vice-presidente anterior lo a concede su mes compensacion halto contra e reglanan vigente. Hunto cu un otro miembro di directiva e lo a haci su mes culpabel tambe na malversacion.

Mientrastanto lo a suspende ambos miembro di directiva mientras ta haci un investigacion extenso. Segun e reglanan, tur aña mester entrega un cuenta (audit) for di cual e maneho y administracion financiero ta sali na cla. Sinembargo, segun 'Aruba Today', esaki no a tuma laga e ultimo 5 añanan.

E matutino no ta exclui cu a laga di haci esaki intencionalmente pa preveni cu e irregularidadnan lo sali na cla.

Realidad di Gobierno

For di e rapport 'Naar deugdelijk openbaar financieel beheer in Aruba' di Fundacion Gobernacion di Calidad Aruba ta resulta cu gobierno di Aruba durante e ultimo 55 aña (!), NUNCA a entrega e cuenta anual obligatorio pa ley manera debe ser. Solamente bou di presion pisa di CAft a entrega recientemente pa di prome biala un cuenta anual (no aproba!) na tempo.

NUNCA a cumpli cu e stipulacion di ley pa entrega e cuenta anual aproba pa accountant pa mas tarda 3 luna despues cu aña a termina na

Parlamento (normal: 5-10 aña laa!). Durante decada no a cumpli cu hopi exigencia di Ley di Comptabilidad. Controlaria General (ARA) a skirbi den casi tur su rapportnan "por atribui e fayonan cu a constata pa un gran parti na un administracion deficiente cu ta funciona malo, un organizacion administrativo deficiente y un control interno practicamente ausente.

A base di esaki ARA ta di opinion cu tin un situacion hopi preocupante pa cu e administracion. No ta cumpli cu e principionan mas elemental di administracion".

TUR aña desde 1987 a negligencia e intencionnan di ARA pa implementa concretamente e proyectonan di mehoracion. A pesar di promesa di varios ministro di finansa cu lo mehora e situacion, esaki a tuma laga te na 2015(!), exclusivamente pa motibo di e presion fuerte di CAft.

A institui CAft despues cu Reino a interveni na 2014 na momento cu a bira cla cu e aumento di debe y pago di interes a conduci na finansa publico insostenibel.

Segun investigacion di ARA, e administracion financiero deficiente cu ta(wata) caracterisa e administracion financiero di Pais Aruba, tawata endemico den practicamente tur departamento individual. Como cu investigacion di parti di CAD y ARA sa tuma laga riba escala hopi limita, ta inevitabel cu esaki (t)a haci cu comunidad di Aruba a y ainda ta perde hopi placa.

Malversacion na gran escala

Segun ARA e administracion financiero di 1989 tawata asina malo cu e no tawata duna ningun bista di e situacion financiero di Pais Aruba.

Mas di 10 aña despues ARA ta constata cu "e consecuencias di e negligencia duradero di e problemanan aki awo ta sali na cla, tumando na cuenta e cantidad di caso di fraude y malversacion (grandi) cu awendia ta sali den claridad". E

saki a sali bon na cla den e veredicto den e caso contra prome ministro den e asunto di Fondo Desaroyo Nobo San Nicolas (FDNSN). No por a prueba culpabilidad, entre otro pasobra no por a prueba eventual malversacion pa motibo di e caos administrativo enorme.

Na mesun manera e reduccion substancial di e castigo di e sospechoso den e caso di laboratorio di gobierno, na unda Afl. 10 miyon a 'disparce' tawata hopi remarcabel. A dun'e e reduccion ey pa motibo cu no tawatin ningun control efectivo mientras cu esnan 'mas responsabel' no a reacciona riba e señalnan cla.

Mas reciente tawatin e caso di malversacion di Afl. 1 miyon na Departamento di Enseñansa. Sinembargo, pa motibo di e falta structural y intencional di personal na e instancianan di control, e magnitud di e problematica aki no ta conoci y consecuentemente tampoco cuanto daño esaki ta causa na comunidad di Aruba.

Rol di Parlamento

Al fin y al cabo ministro ta responsabel pa e bon marcha di asunto den nan departamentu. E ultimo 30 añanan, esaki tawata laga hopi di desea. Parlamento lo mester duna un solucion den esaki, pero aki tambe desde principio control ta un terminologia bashi.

Parlamento mes nunca a duna atencion na e intencionan anual di parti di Consejo Consultativo y ARA pa duna nan derecho di budget mas contendio. Al contrario, tur aña e parlamentarionan ta permiti gobierno pa tuma nan haci, aprobando cu forza retroactivo e gastamento ilegal di placa.

Di e manera ey en realidad nan mes ta bay di acuerdo cu debilitacion di nan derecho di budget. Ademas Parlamento no a trata rapport

investigativo importante di ARA y structuralmente no a responsabilisa ministro. Hasta e veredictonan significativo den e casonan di FDNSN y Laboratorio no a hiba na ningun accion di su parti pa mehora e calidad di e administracion financiero.

Co'i kens

Segun 'Aruba Today', den e caso di e hotel, posiblemente ta trata di malversacion di minimal decenas di mil di dollar pa aña riba un presupuesto total di apenas algun miyon florin.

Sinembargo, esey por ta resulta co'i kens compara cu locual e posibel malversacionnan di parti di henter un ehercito di probechado durante 30 aña a base di un presupuesto anual promedio di mas o menos Afl. 1 biyon por a costa comunidad di Aruba...